

寶坻縣志

第二冊

建置卷之三

建邑寧居規制斯立測景定方陰陽協吉雉堞森森闕宮翼翼
誰擁專城而敢缺失興築必書具關典則志建置

城池

高城深池所以備不虞固金湯也寶坻自金大定立縣後即營
建城郭畧見劉晞顏記中以後廢徙不常靡得而聞其規模大
備則自明弘治間始閱今三百餘年矣孰踵其舊孰增其新取
其可考者著於篇

城

寶邑去順天不二百里比於漢之三輔必於城資保障焉顧明

初止為土城永樂定都後猶沿之及弘治庚申知縣莊禪乃議
易之以磚請於巡撫洪公報可一時鉅室富民踴躍樂輸度地
鳩工甫期而竣高二丈有六尺厚亦如之廣四尺長一千二十
八丈四圍壁峭女堦相承屹然壯觀矣至嘉靖末城漸就圯知
縣唐鍊設法增修復還舊觀萬歷中知縣管應鳳復築月城複
塢重闔城益完固入

國朝如舊後因連歲雨霖傾頽數處雖間為補葺終難久支其有
同昔時之好義者乎則莊公之績可再舉也

城之四門東曰海濱西曰望都南曰廣川北曰渠陽其城之總

名曰拱都

門之上有樓海濱門之樓曰觀瀾望都門之樓曰拱恩廣川門之樓曰迎薰渠陽門之樓曰威遠

城之四隅又有角樓焉左之前曰環碧後曰挹青右之前曰慶

豐後曰樂治

皆弘治時舊制今仍之有記二見藝文志

池

城之周圍可七里池繞之而貫乎其中莊公禪既築城遂浚池池深二丈廣倍之又加一焉因作石堰於水者二北曰開源南曰節流脉絡滌洄曲曲貫注而城外之河四面環繞如玉帶然此邑中風水所由聚而物以之繁民以之阜也迨後日就淤塞

幾失舊蹟乾隆七年知縣洪肇楸允士民之請捐俸倡濬萬畝
雲興數月乃集勒石以記之因念舊志之志城池也但云城而
不及池恐來者且視為可有可無之數矣安知所係若斯之重
乎特補之而詳晰內外城河之形勢備觀覽焉

內城河

本渠河之流自城東北隅開源水門入由武曲橋至文
昌閣經文明橋折而西抵階升橋入泮池由池東出敕

潤橋過雲津橋西南注經通津橋出城南節流水門蜿蜒
曲折約長二里許重濬事蹟具載碑記見藝文志

外城河

四週約長六里許廣十餘丈舊有堤埝城北開源門外
有袁公壩者今壩臺基址尚存其袁公壩以上即渠河

故道也自朱家鋪朝霞寺至西鄆等莊抵弘福寺由平政橋接
入城河計長四十里出節流門東南注經韓家橋至南鄆等莊
由南石橋會入窩頭河

學宮

化民成俗建學為先寶坻密邇

神京近

天子之光而佩聖人之教宜鼓舞於學宮者濟濟也按寶坻之學在縣治東北隅元至正間邑紳劉深朱斌普顏等改古樞鹽院建之監邑事黑廝彥明重修有明自洪武弘治迄嘉靖以下增修者代有其人不失舊制迄我

朝而彬彬大備焉顧百年以來葺理者亦屢矣非大舉而更新之終懼其難為繼也方將與紳士協謀使泮壁生輝奚斯作頌豈

不休哉今列其制如左

大成殿五間中懸

御額

康熙三十年題萬世師表雍正四年題生民未有乾隆三年題與天地參

殿之東啓聖祠三間

雍正四年

加封五代更名曰崇聖祠乾隆七年幾圯知縣洪肇楫捐俸修

聖殿前東西廡各五間戟門三間

康熙中邑紳士重修大學士杜立德有記

戟門之左為名宦祠右為鄉賢祠泮池在其前又前曰櫺星門

門外有大壁壁之左為忠義祠右為節孝祠壁外有大池周垣

數畝池之南有雲津橋

乾隆七年知縣洪肇楫因濬城河并濬泮池及修雲津橋

橋南曰雲

津坊取晉張茂先龍躍雲津之意南一百二十步有大坊曰雲

路聖殿後明倫堂三間明倫堂後成美堂三間東西側房各一

明倫堂左右為進德修業二齋齋各三間今已廢宜重建兩齋之南即

聖殿後壁也壁西盡處為義路路西有土地祠禮門對焉明倫

堂所由出入也禮門直南八十步許魁樓踞其上雍正十年知縣伍澤榮重

修下即學宮之大門教諭宅在成美堂後明倫堂西偏宅一所

訓導居焉土地祠已圯乾隆十年訓導賈念祖捐貲重建

露臺在戟門內尊經閣在學宮西北敬一亭在明倫堂後射圃在學宮石俱廢○按學基久混

入民居今清丈正中東長百五十一弓西長百四十六弓三尺南寬五十五弓四尺北寬六十一弓三尺東北隅長廿六弓寬廿五弓三尺照牆前長六十一弓寬三十六弓三尺仁賢街北長六十弓寬廿三弓雲路長百廿五弓寬四弓修學時宜釐正

附

社學

舊在縣治西久廢今移城內西街邑人趙
圭昌捐田一頃至本學學田數見賦役卷

縣治

臨民聽事之區觀瞻係焉居厥位考厥職入斯署也宜有凜然
而動念者矣自金大定時設縣除令以主縣事丞簿佐之縣令
王祗乃於大覺寺之西卜為縣治東為丞簿署縣北郭為巡捕
廳元季以兵燹廢明洪武元年遷縣治於城之西南隅合丞簿
廳為一所歷二百七十餘年廢興者數矣

國朝御治復仍前修葺之其官衙廳舍各如制以後亦遞有損益

云

舊制前為大堂凡三間大堂之後為二堂額曰後樂蓋明萬歷時知縣袁黃所題取先憂後樂意也二堂左右兩側房各三間東壁為幕廳西壁為庫房堂前牌坊一座堂左右書吏房各七間儀門三間大門如之獄在儀門右儀門東有土地祠其東南為寅賓館天啓時知縣周詩雅題曰冰堂有冰堂記舊治之大凡如此後大堂久漫漶僅存基址乃視事於後樂堂其堂左右之側房與幕廳庫房皆撤餘如舊康熙五十四年後樂堂就圯知縣黃志元葺之雍正八年堂前牌坊剝落知縣伍澤榮修焉而自三堂之後無復餘地退食視簿僅堪容膝乾隆七年知縣

洪肇楫乃詳 憲省節養廉銀營內署十餘楹復建四堂三間

額曰待軒有小 公餘乃有憩所非為適已正以待後人也若縣

衙在二堂後主簿衙在縣衙西典史衙在縣衙東南各自增修

不悉載其縣丞衙以缺裁故廢

察院 府廳 陰陽學 醫學 接官亭均在縣治東 申明亭在縣治西

○俱在廣濟寺 僧會司在城隍廟 道會司在城隍廟 演武場初在縣西門外今移南門外 養濟院

久廢在縣西 北隅

附

常平倉邑故有預備倉在縣治西南隅嘉靖三十三年知縣劉廓建倣古社倉於縣西門內皆廢為民居至雍正十年

知縣伍澤榮捐建社倉四間其明年又奉文建常平倉二十六間在縣署東南隅至常平倉現貯穀米數亦詳賦役卷

郵舖在縣治東其在縣西十里曰朱家莊舖在縣西二十里曰崔家莊舖

論曰邑之規模視乎建置建置明而規模定矣然始未嘗不整肅而後乃稍陵夷也詎不存乎紹述之力哉夫入其境入其庭而政可知亦於其規模卜之耳坐嘯城頭鳴琴清署彼有人焉忍以為傳舍也而忽諸余故舉自來所建置者書地書時以無忘其始兼欲繼此者永永無斁焉至如都邑既建首重學宮而倉廩郵館皆縣治中經畫所必及者亦得附書

建置卷之三終

祀典卷之四

國之大事惟祀為先入學祭菜典禮不愆成民致神奉醴告虔
毋曰幽漠實式憑焉盼蠻罔緼對越於天志祀典

文廟

文廟即在學宮中學宮已列建置卷復詳文廟何哉宮則考其
制廟則數其典也釋奠於

先師孔子煌煌儀注歷代遵焉可從畧歟

聖朝尊師重道封五代設太牢增樂舞又有超軼前代者畧而不書
其何以觀禮詳考冠諸卷首為祀典光猗歟盛矣

大成殿

至聖位居中復聖述聖在左宗聖亞聖在右當祭則配殿左右為十二哲從祀其東西兩廡祀七十二賢及歷代諸儒之有功聖學者各分獻

崇聖祠在殿之東祀

先聖五代

雍正四年追封崇以王爵曰裕聖王 詒聖王 昌聖王 啓聖王

以四配之考配之從祀者為周程張朱蔡五先賢

魁星樓在禮門南

土地祠在義路西

國祭廟
并祭之

名宦祠在戟門左

鄉賢祠在戟門右

廟祭畢祭
於二祠

釋奠儀

每祭於文廟期以春秋二仲月上丁日先三日齋前一夕省牲
知縣正獻行三獻禮教官分獻行一獻禮其執事之目十有二

通贊 引贊 陳設 司帛 司爵 司盥 司尊 讀祝冊曰
進牲 瘞毛血 司香燭 飲福 受胙

惟師德配天地道冠古今刪述六經垂憲萬世惟茲仲
秋謹以

牲帛酒醴齎盛庶品祇奉舊章式陳明薦以復聖顏子宗聖曾

子述聖子思子亞聖孟子配設祭器十有一錫簋 錫簠 竹籩 爵

錫簋 錫登 籩 犧尊 雲雷尊 俎 乾隆陳樂器十有

八年知縣洪肇林捐錫三百六十觔祭器咸備

八編鐘十二編磬十六 琴二 瑟二 簫 笛 排簫

各二 管 笙 塤 篪各二具 大鼓一 搏

拊鼓一 祝一座 麾幡 旌節各一杆 龍樂奏咸和之

翟三十六柄 簫三十六管 致一座

曲以迎神其詞曰大哉孔聖道德尊崇維持王化斯民是宗典

祀有常精純並隆神其來格於昭聖容奠帛初獻奏寧和之曲
詞曰自生民來誰底其盛惟師聖明度越前聖采帛具陳禮容
斯稱黍稷非馨惟神之聽亞獻奏安和之曲詞曰大成聖師實